



Aqqalu C. Jerimiassen
Atassut sinnerlugu Inatsisartuni ilaasortaq

§ 37 naapertorlugu apequtip nr. 121/2024-p akineqarnera

12-06-2024
Suliap nr. 2024-11756

Asasara Aqqalu C. Jerimiassen

Inatsisartut suleriaasianni § 37-mi, imm. 1 naapertorlugu Naalakkersuisunut apeqquteqarputit. Apeqqutit uagutsinnit akisassanngorlugit innersuussutigineqartut qujassuteqarfigaagut. Apeqqutit issuarneqartarput tamatumalu kingorna akineqarlutik.

Postboks 1160
Oqarasuaat:
34 50 00
Fax: 34 55 05
3900 Nuuk

Email: pn@nanog.gl
www.naalakkersuisut.gl

1. Nunatsinni kigutit nakorsassaaleqineq qanoq annertutigiva?

Akissut:

Piffissami matumani (6. juni) illoqarfinni ukunani atorfimmik inuttassarsiuisoqarpoq:

- Maniitsoq
- Tasiilaq
- Nanortalik
- Upernavik
- Aasiaat

Illoqarfiit makku kigutit nakorsaqqarput, kisianni illoqarfinni ukunani kigutit nakorsaannik amerlanerusunik pisariaqartitsisoqarpoq. Kigutit nakorsaqqarnikkut inissisimanerit ingerlaavartumik allanngorartarput, taamaattumillu maanna pissutsinik takutitsivoq.

- Ilulissat
- Sisimiut
- Nuuk

2. Kigutileriffinni sumiiffinni assigiinngitsuni kigutit nakorsat amerlassusissaat naapertorlugu qassit amigaataappat?

Akissut:

Nuuk: 3, Ilulissat: 2, Sisimiut: 1, Aasiaat: 1, Maniitsoq: 2, Upernavik: 2, Tasiilaq: 2, Qaanaaq: 1, Nanortalik 1, Qasigianniguit: 1.

Amerlassusissaat naapertorlugu katillugit kigutit nakorsaat 16-it amigaatigineqarput.

3. Illoqarfinni sorlarni kigutit nakorsaqqanngila?

Akissut:

Maniitsoq, Upernavik, Tasiilaq, Nanortalik, Qaanaaq

4. Innuttaasut qanoq paasitinneqartarpat sumiiffigisaanni kigutit nakorsassaqaangikkaangat?

Akissut:

Piffissami sivisunerusumi illoqarfimmi kigutit nakorsaqartinnagu, nakorsiartunut pineqartunut nalunaaruteqartoqartarpoq. Aammattaaq kigutileriffik pissutsit pillugit paasititsiniartussaavoq. Piffissami sivikinnerusumi pisoq aalajangersimasoq nalilersorneqassaaq.

5. Sumiiffinni kigutit nakorsassaaleqiffiusuni, innuttaasut suliaritittussaagaangata qanoq iliortoqartarpa?

Akissut:

Kigutileriffinni kigutit nakorsaasa saniatigut pikkorissunik sulisoqartarpoq, ass. kigutit nakorsaata ikiortai aamma kigutigissaasut. Kigutit pillugit suliaqartartut taakku kigutit nakorsaannik illoqarfinni allaniittunit siunnersorneqartassapput, taakku pinartoqartillugu iliuuseqarnissamut nalilersuillutillu siunnersuuteqartassapput.

a. 2023-mi suliaritittussat illoqarfimmut allamukartussanngortitaasarsimassappata qassit taamatut angalasariaqartarsimappat?

Akissut:

Nakorsiartut qanoq amerlatigisut illoqarfinnut allanut angalasariaqassanersut naatsorsorneqarsinnaangilaq. Nakorsiartut tamarmik immikkut nalilersorneqarnissaat pisariaqartinneqassaaq, kiisalu illoqarfimmi pineqartumi piffissami kigutit nakorsaqqaanginnerani paasissutissat ilanngullugit.

b. Qanorlu aningaasartuutaatigisimava?

Akissut:

Apeqqummut 5a.-mut akissut takuuk.

6. Kigutigissuunissamut periusissiaq eqquutsinneqassappat Naalakkersuisut qanoq pilersaaruteqarpat?

Akissut:

Kigutigissuunissamut periusissiaq 2024-p naanerani qaangiutissaaq. Periusissiami angusat nalilersorneqarnissaat naatsorsuutigineqarsinnaavoq.

7. Kigutit nakorsaannik atorfinitsitsiniarnermut Naalackersuisut qanoq periusissiaqarpat?

Akissut:

Nunatsinni Nuna tamakkerlugu kigutigissaasoqarfik Avannaamioqatigiit sinneri kigutit nakorsaat pillugit unammilleqatigineqarput. Sumiiffinni amerlasuuni kigutit nakorsaannik amigaateqartoqarpoq.

Nuna tamakkerlugu kigutigissaasoqarfiup nutarterneqarnera, ass. 3D-scannerinerit siamarterneqarnerit aamma teknologiimik atuinerulerneq Nuna tamakkerlugu kigutigissaasoqarfiup unammillernermut uuttuutitut atorlugit anguniarpaa. Tusagassiuutini attuumassutilinni kigutit nakorsaannik pissarsiortoqartarpoq, ass. Nunani Avannarlerni atuagassiani. Aamma suliffeqarfinnik saqqummersitsinermut ilinniarfinillu saqqummersitsinerni sulisussarsiorniarluni peqataasoqartarpoq. ' Nakorsaaneq aamma Kalaallit Nunaanni suliffissatut periarfissat pitsaasut saqqumitinniarlugit atuagassiani saqqummernikuuvoq.

Kigutit nakorsat ilaat Nuna tamakkerlugu kigutigissaasoqarfimmi atorfeqareersut piffissami sivikinnerusumi nunap immikkoortuinut kigutit nakorsaqqanngitsunut aallartinneqartarput. Tamanna aalajangersimasumik atorfilinnut aamma piffissami sivikitsumi atorfeqartunut atuuppoq.

Inussiarnersumik inuulluaqqusillunga



Agathe Fontain